

Minister Michelle Hooyboer - Winklaar :

Tur scol primario a ricibi material y un “leerling –volgsysteem”

ORANJESTAD - Un desaroyo social emocional tin influencia positivo riba prestacion academico. Tur scol primario a ricibi material y un “leerling –volgsysteem” Janine Soliana-Vingal y director di SKOA, Josette Daal, a ricibi di e mandatario cu a bishita e scol St. Theresa pa entrega pakete di

material di Disciplina Consciente.

Klas 1A di juffrouw Kimberly d'Aguiar a mostra Minister con nan ta haci ehercicio di hala rosea como ‘brain break’. Esaki ta un actividad pa yuda muchanan haya nan enfoke di nobo. E ta dirigi riba suministra oxigeno pa e cerebro. Si e cerebro falta

oxigeno, e ta afecta e parti di cerebro cu ta dirigi riba siñamento. Den klas 2B di juffrouw Tayliza Bernabela, Minister por a scucha un storia for un di e bukinan di Disciplina Consciente cu ta siña e mucha cu tur escogencia tin consecuencia. Den cuadro di proyecto “Zorgprogramma’s ter ondersteuning van kinderen en jeugdigen” - deelproject “Zorgprogramma’s binnen het onderwijs” financia pa Fondo Desaroyo Aruba (FDA) a haci pedido material pa desaroyo social emocional di alumnonan di 63 scol di enseñansa primario y sistema di sigui e mucha den su desaroyo (Leerling volgsysteem pa 59 scol). E sistemanan di seguimiento di alumno menciona ta digital y scolnan ta ricibiendo esaki via e-mail. Pa loke ta trata e programan social emocional, mayoria scol a ricibi esaki caba.



Disciplina consciente

E programa social emocional cu a resalta den escogencia ta e programa Disciplina Consciente (Conscious Discipline) di Loving Guidance. Di e 63 scol un cantidad di 52 scol a scoge pa e programa aki. E escogencia pa e programa social emocional di Disciplina Consciente ta cuadra cu e programa di gobernacion 2013-2017 den cual ta menciona cu pa me-

hora calidad di enseñansa lo pone atencion special na e bienestar di maestro y cuido di alumno. Otro proyecto y desaroyonan cu tambe ta dirigi riba bienestar di maestro y alumno ta: ‘Gezonde school’, ‘Veilige school’, y e Expertise- y Observatiecentrum di Multi Disciplinair Centrum cu ta pone atencion na e desaroyo social emocional di alumno y Teacher Care pa e maestro. □

